

- * ranije izdatu Elektroenergetsku saglasnost ili dokaz da ste prije bili korisnik električnog priključka na toj adresi, ako ga imate;
- * obrazac "Prijava električne instalacije", koji je popunio i potpisao ovlaštenu električaru, a kojim se potvrđuje sigurnost unutrašnjih elektroinstalacija. Ovaj obrazac je potreban samo ako stambeni objekat nije bio priključen na elektrodistribucijsku mrežu u trenutku njegovog povrata.

Nakon dostavljanja potrebne dokumentacije Elektrodistribucija će:

- * provjeriti da li ste zaista bili predratni korisnik električne energije na naznačenoj adresi;
- * izlaskom na lice mjesta izvršiti tehničku provjeru ispravnosti kompletnog priključka, priključnih kablova, KPO-a i mjernih uređaja;
- * izdati novu Elektroenergetsku saglasnost, te ispostaviti račun za tehnički prijem mjernog mjesta i plombiranje (račun na iznos 40 KM);
- * očitati brojilo, te izvršiti plombiranje;
- * zatražiti da budete supotpisnici ugovora o isporuci električne energije koji se zove "Prijava obračunskog mjernog mjesta sa uslovima isporuke";
- * nakon vaše navedene uplate (po ispostavljenom računu od 40 KM) Elektrodistribucija će priključiti vaše domaćinstvo na elektrodistribucijsku mrežu i od tog momenta dostavljat će vam mjesečni račun za utrošenu električnu energiju.

Ukoliko su ispunjeni svi tehnički uslovi, troškovi su ograničeni na tehnički prijem (40KM) i Elektroenergetsku saglasnost (25 KM). Ako tehnički uslovi nisu ispunjeni zaračunat će vam se troškovi za sav korišteni materijal i pružene usluge. Troškovi će vam biti predočeni u formi predračuna i trebaju se platiti prije započinjanja bilo koje vrste radova (vidjeti naredni dio).

Dešavalo se da povratnici, kada se vrate u stambeni objekat koji je već priključen na elektrodistribucijsku mrežu zaboravljaju prijaviti svoj povratak nadležnoj Elektrodistribuciji. Ukoliko dokument o povratu imovine nije sadržavao stanje brojila, Elektrodistribucija nije imala načina da utvrdi koji iznos računa se odnosi na obavezu plaćanja povratnika, a koji bivšeg privremenog korisnika. To je ponekad rezultiralo isključenjem električne energije zbog duga za utrošak električne energije na takvim mjernim mjestima.

2

Situacija 2: nisu ispunjeni svi tehnički uslovi

Ukoliko ne postoje kablovi od mreže do vašeg stambenog objekta, ne možete priključiti električnu energiju. Da bi vaše domaćinstvo bilo priključeno na elektrodistribucijsku mrežu trebate:

- * podnijeti zahtjev za priključak u najbližem uredu Elektrodistribucije u općini povratka. Uz predaju zahtjeva odmah se uplaćuje iznos od 25 KM za izdavanje Elektroenergetske saglasnosti.

Uz zahtjev treba dostaviti:

- * fotokopiju lične karte;
- * dokaz o vlasništvu ili Rješenje o povratu imovine ili stanarskom pravu;
- * prethodno izdatu Elektroenergetsku saglasnost ili dokaz da ste prije bili korisnik električnog priključka na toj adresi, ako ga imate.

Nakon toga, Elektrodistribucija će vam izdati Elektroenergetsku saglasnost sa naznačenim tehničkim uslovima za priključenje na elektrodistribucijsku mrežu. Kao prilog uz Elektroenergetsku saglasnost dostavlja vam se i predračun za izvedbu priključka, koji će biti napravljen nakon što radnik Elektrodistribucije posjeti vaš objekat i ustanovi koji su radovi potrebni.

Ako želite da vam Elektrodistribucija obavi te radove, trebate platiti troškove utvrđene u predračunu prije njihovog početka. Vi možete angažovati i ovlaštenog izvođača radova i u tom slučaju morate u pisanoj formi Elektrodistribuciju izvijestiti o datumu početka izvođenja radova. U vezi sa radovima izvan stambenog objekta, izvođači su ovlašteni da izvedu sve radove pod uslovom da se izvedu na takav način da je Elektrodistribucija u stanju naknadno izvršiti pregled kvaliteta radova.

U oba slučaja trebate platiti izvedene radove i korišteni materijal. Skrećemo vam pažnju na činjenicu da su neki povratnici uspjeli dobiti donaciju od humanitarnih organizacija.

Za unutrašnje elektroinstalacije potrebno je Elektrodistribuciji dostaviti atest tj. obrazac "Prijava električne instalacije", koji je popunio, ovjerio i potpisao ovlaštenu električaru, kao potvrdu o ispravnosti izvedene unutrašnje elektroinstalacije u objektu. Standardni obrazac "Prijava električne instalacije" može se dobiti u uredu Elektrodistribucije prilikom podnošenja "Zahtjeva za saglasnost".

Direktno priključenje stambenog objekta na elektrodistribucijsku mrežu (pod napon) je u isključivoj nadležnosti Elektrodistribucije i izvođač radova ne smije izvršiti priključenje.

3

Situacija 3: vaš stambeni objekat prije rata nije bio priključen na elektrodistribucijsku mrežu

Da biste izvršili priključak na elektrodistribucijsku mrežu prvi put, trebate zatražiti Elektroenergetsku saglasnost od Elektrodistribucije. Jedinu razliku u odnosu na gore navedene postupke je sljedeća:

- * ako se stambeni objekat nalazi u urbanom području, potrebna vam je građevinska dozvola (čak i ako je stambeni objekat ranije izgrađen);
- * ako se stambeni objekat nalazi u ruralnom području, potreban vam je dokument koji izdaje općina, kojim se daje saglasnost na priključenje vašeg objekta bez prethodno izdate građevinske dozvole.
- * Ako stambeni objekat još nije izgrađen, trebate tražiti Elektroenergetsku saglasnost prije izgradnje stambenog objekta.

Elektrodistribucija je dužna odgovoriti na zahtjev u roku od 30 dana od dana podnošenja zahtjeva.

Kako (PONOVO)

PRIKLJUČITI
ELEKTRIČNU
ENERGIJU ?

